

劉兆祐博士主編  
中國史學叢書三編

萬曆嘉定縣志  
(二)

臺灣學堂書局 印行

劉兆祐博士主編  
中國史學叢書三編

萬曆嘉定縣志  
(三)

臺灣學生書局 印行

萬曆嘉定縣志二十二卷／（明）韓 浚等修 一影印本

一臺北市：臺灣學生，民76

30,1496面；3冊，21公分一（中國史學叢書第三編，第四輯；43）劉兆祐主編

據國立中央圖書館藏明萬曆三十三年刊本影印

1.中國一史料 I（明）韓 浚等修 II集叢名 III劉兆祐主編  
618/8658 V.43

第四輯 中國史學叢書三編

編主士博祐兆劉

國立中央圖書館藏本

萬曆嘉定縣志二卷

修者：明·韓

出版者：臺灣學生書局等

本書局登：行政院新聞局局版臺業字第一一〇〇號

發行人：丁文治

發行所：臺灣學生書局

臺北市和平東路一段一九八號  
郵政劃撥帳號〇〇二四六六八號  
電話：三二四一五六・三二一〇九七

香港總經銷：藝文圖書公司

地址：九龍又一村達之路三十號地下後座  
電話：三一八〇五八〇七

中華民國七十六年六月初版

嘉定縣志卷之十六

兵防考下

戎鎮

洪武之世號爲天地重關德被六合武暢百蠻  
四夷君長稽顙恐後而倭奴蕞爾之醜數躑躅  
于波濤間東南並海州縣時被其毒信國公和  
已老上强起之令視沿海形勢凡築五十九  
城復遣魏國公輝祖安陸侯吳傑江陰侯吳高  
江夏侯周德興治兵海上遣都督商嵩楊文劉

德出戰此皆元勲宿將國之虎臣謀之數年不  
克底定又遣南雄侯趙庸招撫漁丁蛋戶販鹽  
之徒爲水軍至數萬人蓋倭奴天性狡猾以剽  
劫爲俗而溟海萬里因風力乘潮候倏忽不可  
踪蹟所謂來如風雨去如絕絃猶不足以喻之  
故武備旣設時復跳梁譬之勇者驅虎豹戮鯨  
鯢而不能禁蚊虻之嗜噬無足怪者吳淞外控  
竹箔內捍蘇松非獨爲嘉定蔽也廼者江南置  
鎮始于嘉靖八年若十九年江海有警嘗設總

兵官駐常熟之福山尋移鎮江已復往來儀真  
瓜步事平而罷壬子之變禍始吳淞明年遂入  
其城蓋兵木甲朽非一朝夕之故也是時南京  
給事中項涇請設副總兵于金山制可而邳  
州湯克寬實領協守之任及處州盧鏜來代猶  
居縣城後乃移駐吳淞至叙南劉顯再來臨鎮  
始改協守曰鎮守益尊重矣兵興之初湯盧最  
稱善將是後俞大猷劉顯戚繼光郭成竝著威  
名唯戚公未嘗作鎮則所謂水陸要衝南可以

援金山之急北可以扼長江之險故常以熊羆之士守之耳三十二年添設金山叅將分守蘇松增置把總四員以守南匯吳淞劉河京口三十八年始命總兵官專駐吳淞居中調度明年勅凡內地守備衛所俱隸之又改置南洋遊兵都司北洋遊兵都司又設拓林川沙把總蓋國家重根本之地故師中之命不啻三錫矣夫浙東之定海浙西之乍浦直隸之吳淞若人家有東西戶耳一方失守其禍共之議者莫不

言禦倭于海謂之上策竹箔沙者吳淞之屏蔽也其外爲羊山爲陳錢皆倭奴之所從入而南自浙江之界北至於大江沿海砂磧多可登岸邀之初至謂之中策徃者國家懲忘戰之害不愛養士之費故吳淞水陸兵精爲天下最垣墉既固堂室自安固其宜也自是以來當事者不欲以繁徭重役之民厚奉韜戈橐矢之士故懸餼之數介冑之夫時有增汰矣夫義烏陸兵之精者也江淮間鹽徒漁戶水兵之精者也南

北皆在千里內一旦有事置十萬金于軍門則壯士萬人可以立致顧此費安從出哉於乎國家于三吳猶燕趙人之樹棗栗也待其實以卒歲焉及慮竊果者則又斬其枝斷其根以爲藩籬不亦甚乎云置鎮非以爲一縣也然偏裨以下送往迎來事居必有事焉于法皆得書若夫籌策之効戰伐之績非在境內者夏官藏之國史紀之非一邑之事也于法不得書唯其議論立建今後可循行者則載之于篇

# 城池

吳淞所城在縣治東四十里始猶土堞耳周一千一百六十步崇一丈七尺榮陽侯鄭遇春鎮海衛指揮朱永奏建事在洪武十九年至永樂十六年而都指揮郭祥張翥增崇至二丈六尺闢四門濬濠廣十四丈深一丈初去海三里而近潮汐侵噬東北漸傾嘉靖十九年兵備副使王儀議移於舊城西南一里三十一年島夷犯境巡按御史尚維持以土城

難守檄知縣楊旦改甃以甃周七百九十丈  
崇二丈四尺濠廣二丈四尺深一丈塹廣二  
丈深八尺闢西北水門一陸門四凡雉堞一  
千一百九十四敵臺九窩舖四十門樓四萬  
曆四年颶風海溢門樓盡圯總兵官黃應甲  
重建東北二樓移水門於東南二十八年巡  
江御史朱吾弼以形家言復移水門於西南  
三十年知縣韓浚議增城角飛樓四座重修  
雉堞窩舖疏濬濠塹如故

寶山所城在縣東南清浦鎮舊名清浦旱寨洪武十九年指揮朱永建三十年大倉衛指揮劉源奏立城堡周一百八十步崇一丈六尺嘉靖三十六年更名協守吳淞中千戶所萬曆五年增築新城周二里九分崇二丈六尺二寸凡雉堞九百二十九月城三東西南門皆建樓北爲鎮武樓窩鋪一十六濠址六百八十九丈四尺更名寶山千戶所

官解

三才圖會卷之二十一  
總鎮府在所城西北隅嘉靖三十六年副總兵  
盧鏜始建萬曆九年圯於海溢副總兵張操  
請於蘇松常鎮四府合力營繕增崇故址五  
尺凡費銀六百七十八兩

陸營把總司在所城東南隅萬曆九年建

水營把總司在所城西南隅嘉靖三十六年建  
游兵把總司在所城南隅即千戶所舊署嘉靖

三十三年建

吳淞守禦千戶所舊在所城南偏後改爲城隍

廟時新裁游兵把總即以其署爲所治後游  
兵把總復設仍居之而所治久缺萬曆三十  
二年千戶王有道始請建于舊署之東南其  
軍器局在城迤北又西爲軍儲倉

察院行臺在所城東南隅萬曆九年建

按察司行臺在所城東北隅嘉靖三十六年建

鼓樓在所城中央嘉靖三十七年建

鐘樓在城上東南萬曆二十八年建

演武場在北門外二里萬曆五年建

急遞舖在總鎮府前

以上俱吳淞所

寶山千戶所

軍儲倉十間

按察司行臺

練兵公署俱萬曆五年建

以上寶山所

鎮臣

鎮守南直隸江南地方副總兵官署都指揮僉

事一員

自建牙吳淞者始載

盧鏜

浙江處州衛指揮嘉靖三十六年任陞浙江總兵官有生祠

劉顯

四川敘南衛指揮嘉靖三十八年任陞南京戶軍都督府都督僉事

楊尚英

鎮海衛指揮嘉靖四十年任陞浙江總兵官

王應麟

鎮海衛指揮嘉靖四十二年任

郭成

四川敘南衛指揮嘉靖四十三年任有功德碑

梁守愚

浙江觀海衛指揮隆慶二年任

朱冠

山東濟南衛正千戶隆慶二年任

王尚文

浙江觀海衛百戶隆慶五年任

黃應甲

直隸安慶衛百戶隆慶六年陞浙江總兵官

楊文

浙江台州衛指揮萬曆六年任

郭堅

福建建陽衛指揮萬曆七年任

兵防下

張澡

六安衛指揮萬曆九年任陞貴州總兵官

林鵬

福建泉州府籍萬曆十一年任陞都督僉事

盧述

江西贛州衛指揮萬曆十三年任陞都督僉事

馬繼武

浙江海鹽衛指揮萬曆十五年任陞都督僉事

朱文達

浙江金華所指揮萬曆十九年任進都督僉事總兵官改福建總兵官

汪弘器

福建漳州衛指揮萬曆二十八年任

陳九思

浙江杭州前衛正千戶萬曆二十九年任

戚金

鳳陽府定遠縣人萬曆三十年任

侯國弼

福建泉州衛指揮萬曆三十二年任